

西園續集卷十八

沔陽陳文燭玉叔著

墓誌

長樂郡
振鐸西
諸君名

明故慈母馮太孺人墓誌銘

國朝
甲申
新

萬曆庚辰史公守沔持狀泣曰自主非慈母無以有今日視敵母生母恩過之先生銘其幽不佞聞而感焉越矣未不佞如京師公子職方君泣曰元熙非慈母無以有今日視吾母祖母恩過之先生終其諾不佞感而痛焉逡巡無文將

謂刺史公考最又有職方君或陳情闕下移慈
母封以爲世勸竟阻于例刺史公惻惻職方君
書來促銘夫悲後仕而嘆報劉短也曾參令伯
之孝史氏父子有焉按狀而次之史爲餘姚世
家惠州公諱立模字貴宏舉正德辛巳進士爲
給事中娶馮孺人于京師蓋望族云孺人性謹
敏事惠州公與蘇恭人甚善惠州公以言事謫
通州孺人向蘇恭人云妾未有子可再娶之惠
州公娶維揚李孺人惠州公判姑蘇携之偕往

刺史自李出多孺人之力云往李生子而殤足
忽痿廢惠州公久不御一日將之旁郡孺人曰
還期何日公曰二旬孺人曰李月經甫潔請召
之惠州公握手曰彼已廢吾且置解衣卧矣孺
人抱李置卧中惟恐不當惠州公之意者已娠
而生刺史孺人以口嚙臍保獲殷勤宛如已出
未幾惠州公卒蘇恭人又卒孺人泣曰天乎兒
甫八齡史氏不絕如綫我任其責日夕憂惕惟
恐不延惠州公之脉者時宗人睥睨物產攘臂

而魚肉之孺人爭甚力退戒曰汝執弟子禮當
恭又擇比部郎邵公女比部公助之侮者自息
延師教刺史甚篤呼燈辟纒提撕其側刺史舉
嘉靖甲子鄉試孺人喜甚丁卯當試南宮孺人
病刺史不欲行孺人促之行惟恐不大惠州公
之業者明年正月三日聞訃奔喪戴星而歸哀
毀骨立終三年喪孺人生以某年月日卒以某
年月日墓在箕山之陰刺史有五男子元杰元
熙卽職方君元勳元杰元燾俱才穎負聲詳在
惠州公誌中不備書陳生曰禮言擇諸母與可
者溫良恭慎止耳孺人遜夕立孤而大其後非
內則所未言者耶昔昭公少喪母有慈母良死
而議禮練冠以居子游喪慈母如母門人疑而
質諸仲尼大都魯國之厚也刺史之服孺人也
其行古之道與不佞重有感而銘焉銘曰嗟惠
州兮百世祀永誰一絲兮擊乎九鼎名彤管兮
鴻濛沆茫

勅封歐陽母劉孺人墓誌銘

劉孺人者憲副歐陽惟承之配也惟承舉隆慶
戊辰進士官雲南按察司副使女自孺人出者
甲申春適余子圭孺人沒二年矣久歸窀穸惟
承報書曰亡人笄黛流耳敢借名筆張君內戚
狀頓悉何言不佞與歐陽世世卽長逝者冥報
哉張君者兵部司務夔也覽之沾襟焉孺人女
修內事奉舅姑勤慎惟承曾叅閩藩閩人向余
誦庶名不休耳日所覩記張君言豈虛乎哉按
狀而次之孺人姓劉潛江大族而歐陽氏來自

吉州始徵仕公之父徵仕公與劉翁善孺人方
少和柔婉淑劉翁日有令匹乎一日過徵仕公
見惟承秀而文可大歐氏者自言有弱女願爲
箕箒婦而徵仕公與劉雅故習聞其女也諾而
納禽焉比婦歐陽氏年十六耳其姑早世繼者
齟齬萬狀孺人蕙蕙自訟事之愈謹得其驩心
無論鞞絲辟纒夜燈熒熒凡釀酤供漿品茶和
羹炙魚膾鯉約水燥薪之類身親爲之而昆仲
似姊甚衆也一味之其割而分之曲當其意性

最儉約攻苦如澹澣衣布素不慕纖靡能自生
粟帛以佐膏楮而惟承得盡心時制以取科第
又藏獲食指甚衆也孺人治之嚴而有恩惟承
思遺姻黨贄而厚之朝夕相對宛如賓客甫二
十四無子取姊子子之如巳出又諷惟承納側
室楊氏畜以女弟生子一女二孺人子之如巳
子及惟承尹義烏號巨邑惟承鳴琴而義
烏治孺人助其清白布蔬如諸生惟承入覲義
烏有大司寇吳公百朋憐惟承庶恐無以給米

肉爲餉送之孺人戒勿納吳公嘆曰有婦如此
尙患不做好官耶嘆服良久天子以惟承治
行冠兩浙拜刑科給事中晉吏部右戶科左孺
人嚴私邸扁鑰惟承蹇蹇糾駁所上封事最識
大體朝論韙之惟承奉使江右市權異已者陰
擠之出參閩藩孺人曰吾舅姑願榮顯者掃祖
塋今遂矣它何計焉自閩陞雲南孺人誓操履
如義烏每詢惟承平反幾何聞釋寃狀顧大喜
惟承持正與直指使者左使者中之南臺有浮

議罷官孺人曰君耻事權佞歸畢婚嫁足矣卽
日就道三司餞莫及叅議顧公養謙高其誼追
投松下老人歌滇中至今誦焉孺人生以某年
月日卒以某年月日年四十六子二長某國子
生娶某氏次某楊出聘某氏女三長適陳汝圭
已出仲聘某氏季尚未聘俱楊出葬以某年月
日墓在城東南班家灣穆家嶺夫孺人賢淑不
妬遂惟承委蛇稱螽斯矣義佐爲庶吏人亦有
言忠無德義不忠不富前史著爲聞婦孺人有
馬獨憶議聘時孺人以潛去涉遠惟承謂陳子
素交無難色今恨孺人未親結褵也感而銘曰
銘曰青霄凌兮而夫名高原鬼兮而後昌江漢
而藏兮水德靈長

勅封孺人龔母謝氏墓誌銘

義烏龔公同余官江西行中書省徃公爲侍御
巡閩中不佞爲閩觀察使先後未面而風節赫
然與扶桑爭雄及讀從祀王文成疏上允之
輒嘆曰熙朝統一聖真而大儒論定矣公真名

御史哉嗣公以謝孺人狀泣而請銘公行誼至高盖有肉助云按狀而書之孺人名鄭字重君謝在義烏盤溪爲名族其先有清惠公大父居易公某父處士其家素饒而其母鄭氏出浦江義門孺人生而疑靜機穎不類凡育居易公撫頊曰兒貴徵種種將落誰家時告易公與龔有連一見侍御公在署年輒曰此才子也以孺人許焉後七年有富族謀結好者居易公拒之竟歸初盟孺人歸侍御年財十六耳躬組織操井臼茹荼拮据以承大行公及太孺人之歡太孺人喜曰有婦如此昌而家乎侍御公爲諸生就學于外孺人語曰我大父擇君君苦學以荅之家事箕帚婦任焉君勿慮也寒燈孤枕備歷艱瘁者十有三年隆慶庚午侍御公舉于鄉萬曆甲戌成進士選行人奉王命歸省孺人語曰君幸第爲京朝官當一心以報主恩兒女事當任之君何慮焉侍御公馳驅道周家鮮藏獲孺人之操持寒孤猶舊也歲嫁長女及婚兩郎凡

練裳布被之遣委禽納幣之儀經營如禮一毫不以聞侍御公公曰古有婚嫁畢斷令家事無相聞者乃婚嫁亦不知耶而畢向子平之願德孺人者深矣先侍御公居無厨往往露而炊孺人藉新媳資罄所積廣而爲舍後天子覃恩孺人被封翟冠帔服從太孺人望闕稱謝告于宗廟觀者咸曰庶不負疇昔勞苦乎居易公得侍御公以爲快壻却鑒侯高之智何讓古人哉孺人感而泣恨居易公長逝不一見也後侍御公按閩按南畿輔不能携孺人行及轉江西叅議孺人喜曰吾侍太孺人自此宦游獲一日其毳之養乎侍御公方戒行而孺人素有腹結疾作輟無常一發不可起矣往孺人抱疾時惓惓室中事執侍御公手曰與其亡而後進孰若存而早圖吾有所托豈遽相忘是猶糟糠在也居久自京得王媵以歸命之曰承荆孺人志也相得驩甚先孺人卒而孺人哭之痛又孺人卒之日辰起病喉梗咽尋亦解及暮語侍御公曰吾

見居易公于地下無憾矣所憾者不能終事太孺人耳幼兒女幸善視之時太孺人與諸姑兒婦相抱而逝歷觀生平事舅姑與夫敬而能養恭而有容起家以勤課子以嚴有丈夫之槩焉侍御公學則負笈仕則攬轡家食之日少也乃得與孺人訣天作之合憐其永別理固爾耶孺人生嘉靖癸卯四日七日卒萬曆丙戌正月二十八日年僅四十有二子男三長士驄國子生娶赤岸馮氏次士驥邑庠生娶金華黃氏幼士驤聘大玄吳氏今任南京左府都事吳君大紳之女女二長麟適國子生諸暨周維誠爲戊辰進士周君繼夏長子幼麀許吳某爲刑部尚書吳公百朋長孫鄉魁大纘子也孫男一陽秋爲士驥長子葬東阮子龍山下陳子曰侍御公每談孺人糟糠也語曰糟糠之妻不下堂今狀容咨苦也猶視之生乎孫楚傷往潘岳悼亡不啻過之覽之悽然增伉儷之重柰何使余銘而無能發潛德也銘曰龍章被兮九淵其藏龍種育

江酉園續集卷十九

墓表

陝西左布政使白野朱公墓表

沔陽陳文燭玉叔著

左使朱公歸自關中未幾棄世墓在漁子浦余友憲使茅子坤表焉編修曾子朝節銘焉其子公芾在諸生中世其家學屬余碑焉余謂碑者備也憲使乃公部下士編修又公門下士其言備矣憶嘉靖戊子竹山先生與先按察公同舉

于鄉公起而繼之先公以猶子畜之不佞兄弟
交驩也于是作左使公墓表公諱炳如字穉文
又字仲南衡州衛人別號白野往朱先生生公
有異夢長得異書授公過目成誦先生竒之戒
勿過苦而公淹庠序者十餘年蔡公汝楠胡公
安浙之才子也先後守衡見公大竒之赫赫有
名三楚間太守及郡貳縣尹以上客禮之嘗令
典石鼓書院信從者衆與諸上官交耻爲干請
同姓爭產者以八十金爲壽公卻之有少府視
桂陽州事助以百金公又卻之人言世有清白
吏自做秀才始耶乙卯舉于鄉己未成進士爲
行人奉使藩封餽遺無所受選御史巡鹽兩淮
國家南困倭北困虜水衡錢日不可支公括淮
南諸郡贖緩三萬金牒漕司轉邊餉爲縣官增
強富之策其出境上出止圖書數卷衣服一簾
耳士民遮道送馬及巡廣西典文衡號稱得久
文武中有侵漁吏時論奏之又論新鄭高公罷
相海內稱公爲名御史高公再起出守泉州泉

閩海大郡公單騎入境設榻于郡之後堂與倉頭卧起蕭然如僧暇則開閣與諸生講道論文泉有故河又塞公躬操畚鍤濬之河通而鄉舉者五十八人首解額者二人咸稱靈應與百姓如家人父子視民隱痼瘵乃身遇縉紳有禮比于真公德秀王公十朋云後轉兩浙運使砥礪名號處脂不潤在涅不淄其商與竈按堵附公如挾纊入覲以治行第一 穆皇帝特賜廷宴蓋異數云分守湖州轉按察使便宜行事守法不阿兩浙之人德公如泉州也後轉河南右使晉陝西左使節縮邊費設處諸王祿米庶介不取三秦之人德公又知湖州也夫公博學多聞伋直無他腸借公督撫真如長城乃江陵目以老學究竟以老罷公嘆曰樂則行之憂則違之衡山營蒐裘吾將老焉會中子卒公哭之痛四月亦卒聞公疾革時繼母太夫人往省公曰我當見吾母強入不能下輿作仗謁狀公事之如母至垂老不衰友愛夫植與其弟躍如蔚如比

于三珠樹去其其端坐曰吾辭逆旅與吾母後
十日吾夫人當從游已而如期又卒咸稱神應
豈公窺造化于死生之際哉公大父與竹山先
生得贈通奉大夫大母蔣母及繼母王與妻劉
氏得贈太夫人及封夫人享年六十九世系生
葬詳表誌中陳子曰衡山蓋有朱陵堂太虛洞
云高四手餘丈周旋數百里所藏金簡玉書古
來開太平之業者左使公鍾山靈乎三朝來塵
塵見耳乃未究其用何哉楚人附江陵者取九
列如拾芥諭諭訛訛禍不旋踵公完名矣何負
衡山哉余有藏山草堂在衡之陽異時過公墓
拜焉

成都府知府邵公墓表

南豐文人邵養心墓有宿草矣其子國翹國翰
請余言表之憶世宗肅皇帝乙丑余同公舉
進士觀吏部政余少以文章自喜歸尚寶有光
與余合而公亦莫逾執余手曰江以西文藪也
歐陽永叔曾子固王介甫近若何椒丘喬新羅

圭峰玘諸人者何其竒也余謂文忠文公號宋
大家國家兩文肅配焉余文獨喜司馬子長今
觀江以西諸家派自龍門公言尤信云每窺其
意上下千古直究壺奧至論詩與余異大都雄
于文筆云後余官大理公歸省執余手曰大丈夫
不爲宰相當爲諫官柰不遇何親民若守渤海
潁州之業可願焉選工部虞衡司主事 穆
宗莊皇帝修陵祀輿騎倅至橋梁不可度公令
徒扛代之他若易鉛彈改皮甲歲省水衡錢十

餘萬大司空雷公禮薦之改兵科給事中余執
公手曰出入禁闥補過拾遺塗歸批勅胡可少
夕郎風耶公剛正負氣封事數十上用入理財
皆國大計上嘉納焉會災祲上責有司不職令
厰衛察之公抗疏言朝廷耳目在臺省彼緹綺
貂鎗柰何使之陰竊人主之權而成羅織耶汪
直之事可監也尚寶鄭司丞坐諫是廷杖公再
疏言履淳有父風其心忠于陛下而已請釋勿
罪天下知公之慝也出知建寧府余守淮安報

書云非向所稱親民可樹循良者哉共努力爲
之建寧俗靡多淫祠公改正學書院祀考亭疊
山諸先生置學田里社義倉自記以垂永久崇
有大猗郡國吏莫敢問公繩以法猗素結權力
蜚語入京師遂調肇慶起復補成都論者竟以
建寧罷余不知肇慶若何及南入建寧西入成
都父老爲余言邵守治行緣飾儒術獨媒孽者
可恨耳公歸年餘抱憤卒公博學好讀書天性
至孝遭存耕公太安人喪哀毀骨立乞養疏三
上俱不報居常手不釋卷余子壁圭與二子同
學每詢余文藝孜孜如不及曾子言以能問工
不能以多問于寡有若無實若虛昔者吾友從
事于斯矣余于養心亦云所著文稿外有典古
考義亦孔門尊周之遺與公諱廉別號圭齋
平若此俾鏡于碑過者式焉若家世生卒詳王
學士弘誨誌中

方山人景武墓表

嘉靖戊辰余官大理方子及李元甫李本寧結

都亭社子及有諸孫號浮麓山人貌短而才敏
座上兩驚之李千麟徐子與又補官京師五六
人相聚驩甚為長夜飲子及詩學于麟山人詩
學子與聞有二方足大篆石之學如周禮在魯
也萬曆甲申余官閩中山人從大將軍戚公繼
光父大將軍塞上山人亦塞上大將軍海上山
人亦海上大將軍歸齊余移書促之歸閩書未
報而山人逝矣余聞而悲焉明年巡平海諸衛
過莆陽黃全之者山人友也口其生平請余表
山人墓碣余唯唯而篆石先生亦言山人遇余
自郭有道之後塵見耳白骨可肉而遺魂不泯
敢謂余言足當之哉山人諱元淇景武其字也
其父兆之諱正梁為趙王右長史宋忠惠公大
琮之後也長史公幼喪父事母林氏以孝聞舉
嘉靖辛卯鄉試由鈞州學正擢國子博士其長
史趙國趙王賢之詳郡乘中景武其仲子也與
兄元浩有詩名慨然以建安七子自許與謝朓
秦鄭中伯顧季狂齊名趙王引為上客景武長

僅三尺幼有痿疾幾死其兄禱而愈長史公卒
哀毀踰禮病不自支遂輟舉子業不為莆中多
以舉子業顯者憐景武才而勸其仍習舉子業
景武嘆曰士固有志奈何相迫乎一意攻古文
辭諷詠盛唐諸名家詩而章程之一時才穎之
士恨見景武晚也倭寇入閩莆城失守景武陷
城中幾死司馬汪伯玉兵備閩中尋晉御史大
夫季狂來吳下稱說景武不休誦其詩清定
致伯玉擊節賞焉薦于大將軍辟為記室

軍雅愛之朝夕者數年後北虜犯邊廟議召大
將軍備北邊執景武手曰匈奴未滅無以家為
吾令其不敢南面牧馬足下北乎異日燕然銘
可續也景武嘆曰士為知己者用女為悅已者
容安敢忘大將軍之知一且不容于幕府耶遂
與俱北客薊門者十餘年偶入京師黎惟敏在
中書王元美在廷中敬美在儀司三季又故交
在翰林雅重山人為文酒之會咸寓書大將軍
謂谷子雲筆札阮元瑜書檄今見方生矣大將

軍益重之供其飲食自分其半時母年八十大將軍三遣材官迎之塞下爲五年驩萬曆癸未大將軍以人言移廣東執景武手曰余在兵革三十餘年精神竭矣茲行多期月矣足下東乎異日遵潮陽可歸也景武嘆曰大將軍以國士遇我我當以國士報之况老母亦言大將軍可依勿以我老無行意也遂與俱東屬元浩之子茂椿奉母以歸未幾大將軍罷歸候代景武忽大病大將軍執其手曰足下脫有不諱遠在萬里如骨肉何景武瞪目而視曰公非我骨肉耶遂瞑大將軍痛哭之比于昆弟出其帑治喪甚備遣材官護歸大將軍始得代去人言景武於大將軍足稱死友云景武妻林氏先卒其子三人名某某側室韓氏出其長者財九齡耳景武生以其年月日時卒以其年月日時葬其處享年五十餘其家乘中余因述其大都俾鑱于石不致露零草莽也已外史氏曰國家注意厥將軍等霍衛閩人人尸祝矣彼忘身報國乃山人

志家報將軍感恩哉皆去烈丈夫也除過山人
家老母尚在韓姬少年操節撫孤苗裔將夫景
武之風遠矣家乘中余因忝其大略野蕪千石
主人明故陰陽學典術西河童公墓表其歲辛
酉河童公以耆耇終子壻陳子守淮明年遷蜀
過家為文哭焉子達請曰吾父恨未與吾子
永訣願得一言而慰九京也陳子諾由蜀而淮
而閩而西江亦無任是宅先夫去憂時為之會
于達卒感而閣筆十五年矣乃得輟其大者樹
之石按童之先湖廣德安府隨州人元末有必
才者徙居于沔生四子志惠懋愈愈為四川布
政司照磨懋生瀛瀛生鈞封戶部主事錦為宿
遷縣訓導鈞子旭弘治己未進士交州府知府
旭子承敘正德辛未進士左春坊左庶子海內
稱內方先生錦孫承夔嘉靖庚子鄉貢士承契
丙辰進士兵部武庫司主事愈生清清生鑑鑑
生春卽公父也公諱承祥字士徵別號西河生
而穎敏與兄承祐齊名兄以貢為崇德縣學諭

而公一意力田以奉尊人往尊人北莊翁歲時
作若不遇荒年塵能餬口公長頭巨鼻玉立七
尺美髯及臍望之如神仙中人好奇偉俶儻之
畫策得古利七首而袖之四顧旁若無人其所
交游盡與其賢豪長者相結庶幾乎古節俠之
流也家事巨細以身任之俾兄盡心本業善治
田產野無與草倉有餘粟家亦不訾比于素封
視鴟夷子皮之陶十九年而三致千金不啻過
之里中推擇爲陰陽官當路者推翰林公愛愛
焉凡河泊二十一所官缺公卽署二十一所事
有不聞于州而聞于公者片言決之人人得所
欲而去家益饒裕黃蓬湖有大俠張君鳳者其
人豪富而頗睚眦爲人告發會公攝黃蓬所奉
上官命訊鞫論報一見投合張君奉牛酒爲壽
兩人深相結約爲婚姻其事力解交情垂白不
衰云翰林公妻沈孺人卒公走京師往護其喪
舟過池州江夏韓公楷爲太守與翰林公結好
山稍遲公鼓柁而去韓公追奠于數十里外海

寧沈公友儒刑部郎謫州同知好遊喜飲偶過
公精舍命公治具有意督過之公狎狂叱咤遂
以所飲銀酒鎗投于河沈公改容謝焉嘉興朱
公賢爲州學正與公爲遊宴之歡彼此相過輒
著碁浮以大白酒斟耳熱而歌烏烏露零星稀
未歎也舉鄉飲大賓公一赴卽不往先大夫修
高年會公爲祭酒公時儲酒召客奕能者使之
酌不能者不強灌之竟酒而睡無一亂語謝絕
戶外事者三十年往七十時不佞爲文壽公方
壽八十先數月卒昔公北省翰林公翰林公最
重之賦西河篇贈焉中云尤兮本是元宗者重
義敦倫流俗寡君行何以慰別懷努力清修愛
門閥幾至百言一時如高陵呂公柟咸陽王公
用賓江陰張公袞貴溪江公汝璧茶陵張公治
蒲圻廖公道南皆館閣大儒比公于靈運惠連
如謝家兄弟云有詩卷藏于家不佞乙丑選大
理寺左評事公寓書曰吾子幸登第庶偶者筮
仕之基也拔去織懸魚留犢酌貪泉并塵甑

携琴鶴之聞人也語曰守俸如泉願吾子
砥礪焉繫而來廷中者大則磔小則朴法宜
平也于定國父子何如哉罪疑從輕哀矜鰥寡
耳語曰人犧實難欽哉欽哉惟刑之恤哉老夫
從尊君游夏汭間足快矣夫公力田而富壤壤
者爲利往乃清言娓娓不佞終身誦之詩書所
載何以加焉平生慷慨重然諾周人之急郭孺
人少同辛苦起家殷富相待如賓庶下之教所
親見者伯鸞孟光之好何讓古人哉子一卽于
達側室陳氏出少有文名不壽死女一卽以不
佞貴屢封夫人側室童氏出孫二人行先弘先
俱諸生少俊世其家學行先娶余兄光祿公女
曾孫四人兩家奕世通好云公生弘治乙卯八
月十一日辰時卒萬曆癸酉九月二十七日未
時年七十九孺人生弘治丁巳十一月二十六
日卒萬曆癸酉六月十五日申時年七十七葬
浮圖垸陳子曰漢人重梁鴻清高死塋要離墓
令烈士相近董公夫婦有遺風焉惟漢濱老父

墓可近耳今安在哉讀公前書與立天子父天下戒逸遊之旨同矣夫書墓石俾過者式焉

日本勅封太安人節婦林母墓表

往崇陽胡子定爲閩中學使表林先生母太安人貞節御史中丞劉公堯誨思具疏以聞會遷去不果胡子與不佞俱先生視學所優士而中丞楚人習知先生母教云又十年不佞掌閩憲官行省使先生執手豈曰不穀稍稍樹立先太安人之訓顧先太安人有奇節國家令典封者不得旌往官儀曹郎會太廟覃恩得封勅有秉節自立率禮終始之褒大哉王言知吾母者墓石尚虛幸吾子一言俾九原不朽乎不佞敬諾會移官江右先生寓書促之不佞覽其遺行嘆曰賢哉太安人宜有子如先生也按陳氏居丁戊山之僂路俗呼皮坊陳里門高其行不稱太安人而稱林節婦蓋重之也父竹泉翁爲諸生有學行母鄭早歿繼母蔡性嚴節婦安之年甫七歲而小學內則列女傳諸篇能誦大旨及歸

禮部公相失時年二十九先生六齡耳人有動其志者輒截髮嚙指引義自誓從一而終往贈君爲浦城從事監稅暴卒節婦哀苦幾不欲生扶其視從巨浪中舟幾危籲天而定傷哉貧也併日舉火亦無悶焉教先生讀書自童子時或出輒誡曰汝勿遠于門勿與群兒戲勿詈人復則汝辱侮汝者謹避之故先生敬畏存心犯而不較蓋終身云比長命從師授春秋課督夜分乃罷學使江公以達音先生才試冠多士于酉

先生舉于鄉辛丑成進士改翰林院庶吉士節婦就養撫而泣曰汝有今日耶天乎何奪汝父之速也又曰取一第易有令名難靖其爾位無貽爾先人羞聲嗚嗚不自禁先生長跪而受焉先生爲儀制郎親藩冊封例以幣交節婦誠閣者曰必遷其跡毋汚我闕蓋自是絕饋焉後先生視學與四明張公關中喬公並爲名學使歷襄陽襄王以先生未受餉也爲饗殿上且迎勞之謂同饗者曰潔而勿耀林先生有馬節婦聞

之喜曰兒真能率吾教矣也未太察先生轉廣
東左使尚未之任而言者中之遂致政節婦嘆
曰汝來之粵而言粵何哉汝歸可無辱吾亦安
矣自是絕口宦游事每遇禮部公忌辰愴若初
葬綺衣其味多卻不御強則泣曰汝父有是耶
吾不恣也弟妹各一人俱蔡出節婦待之甚厚
竹泉翁蒸祀廢奉歲時展奠歛歛流涕先生微
時親故莫有恤之者既貴節婦周恤尤至絕無
芥蒂憶 肅皇帝末年遣宦購道術方技諸書

甚急家笥偶有緇黃哀百金請錄節婦命歸金
且致其籍妹以篋金寄貯其家不知也妹卒呼
其子畀之感愕泣受平居區畫家理井臼孳性
紡績鋤治浣濯縫紉疊疊不倦稽綜微密雖勺
嗟圭粟不致妄費晚尤尊信竺書蔬茹兼旬神
氣彌王自謂有冥助其賢能如此生于弘治七
年甲寅三月二十五日戌時卒于萬曆三年乙
亥十二月初九日未時享年八十有二塋于北
門崎下之陽塋從禮部公云子一人卽先生名

懋和海內稱雙臺先生孫一人名昭錫邑庠生
餘詳墓誌中陳生曰守法如雋不疑舉德如韓
伯康能如崔寔廉如陶侃其母成之也林先生
賢于四子遠甚母訓彰焉寧獨節名寒霜雪哉
明太學生黃君王孺人墓表

金谿黃憲子者大江以西之文士也黃子持詩
謁余且曰章慶出王次公門下銘吾父後長公
銘吾母合而表之敢以恩先生黃子事余猶王
家兄弟也余言安敢後王家兄弟哉書其大者
俾饒諸墓上黃君諱文龍字惟中別號後渠其
先曾大父矩受業吳聘君之門大父承德公廷
會富而好禮父太僕公鄉進士綸母安人曾氏
生君穎異絕倫日誦數千言爲諸生督學使者
竒之而東石王先生諱冀與光通政公莖相繼
成進士爲禮部郎上書論大計於武廟天下壯
之督學浙中有知人之明者見君大竒之以女
妻焉卽誌稱孺人也君在館甥讀其架上書文
日益有名嘗從太僕公游金陵謁甘泉湛先生

講心性之學屢試場屋至壬子火得試卷瓦礫
中擬上第六人君嘆曰數竒矣古有士不遇而
賦之者時來過遲去之速矣屈意從人非吾徒
矣正身俟時將就木矣遂以貲入國學錚錚佼
佼王先生終以寥廓之士屬之非以日皮相也
自是罷舉業不爲久之抱瘡病賫志而沒年財
五十三耳往王先生舉子難甚予告山中夜夢
鼓吹擁一兒習有文曰恭而孺人生卽名曰恭
乃孺人讀內則女訓諸篇端莊多女德適稱其
名云先生每詫曰使爲男子當哀然吾上然亦
何減曹大家與惟中相與如賓日夕佐其誦讀
惟中難于舉子如王先生孺人擇諸媵奉之無
妬舉子一卽章慶惟中卒媵舉子一曰彥慶孺
人兼父道焉惟中生平重然諾周人之急素與
周生德崇劉生嘉謀爲刎頸交周不能娶惟中
授室而周舉于鄉劉二喪不能舉惟中貸錢焚
券不責其償太僕公有少子文豸惟中教育之
王先生有養子幾危其孤惟中保護之此雖天

性好仁市義與人同憂樂有古節俠之風而孺
人內助焉可誣也孺人後惟中卒年六十二兩
子早孤有無賴子危之如王先生生子孺人晝隱
而夜課焉呼章慶曰汝才而不自振拔獨不念
墮兩宗脉耶章慶感泣力學舉于鄉無賴子遠
避孺人有大造于黃矣世系生卒詳二王誌中
陳子曰春申君食客三千人叔度汪汪千頃陂
壯哉千載之上乎惟中賤窮存孤同其倜儻况
有子博學經典究精道術能文章如漢人所稱

江夏黃童天下無雙者耶金谿家風綿綿大矣

歸震川先生墓表

文淵公右士文大學

歸熙甫卒八年矣余序其文同年王子敬熙甫
門人報書曰先生墓有宿草銘屬許相國表屬
吾子及讀行狀斯亦桓君山之手楊子雲哉按
歸為吳著姓明興太父始令城武祖天峰公好
養生家言父岫雲公竟老諸生以先生貴贈文
林郎周孺人生先生虹光滿家故名有光云先
生穎悟絕人八九歲時為文有聲倚馬立就研

究經史九好司馬子長得其神氣不爲摹畫嘉
靖乙酉督學盧公試第一南克都御史王公廷
守蘇竒之丙申貢入太學庚子茶陵張文毅公
典試竒先生文國士遇焉先生嘗夢出處同吳
原博人以文定公高第望先生屢試不第張公
入相先生耻私謁庚戌張公典試語先君子曰
子幸第吾以首卷爲歸子柰何不第耶乙丑先
生年六十九上春官余文敏公竒先生文大學
士高公嘆曰張公數十年難得者得于一旦徐
文貞公薦館職先生以限年不與試選長興知
縣長興湖州巨邑先生寬和爲治書卓子康傅
于座右每聽斷呼兒童婦人與之吳語務得其
情片言解去有盜依湖山者先生計擒之奔逸
者不追空王寺捕盜者拷掠使誣人爲盜先生
釋七人有重囚母死求塋者先生許之感泣如
期至時令清軍清寺田先生曰勾一軍而擾百
姓僧道力田服役與民等耳悉停止之又議革
糧長用里甲先生調停太豪規避與攝令者媒

孽其短先生幾危轉順德府通判乞休不報高
公移書曰長興漢代之良也主爵者何處以此
耶順德職掌馬政移文諸縣先生掃蓬戶讀書
蕭然忘老太僕寺檄脩志高公與趙文肅公擢
南京太僕寺寺丞薦掌制勅脩世宗實錄先
生言閣中有人聞未見書欲盡讀而長往矣先
生嗜書如饑渴之飲食也寒暑之裘葛也家四
壁立不問生產爲文根本六經鼓鑄百家絕翰
墨畦徑必傳無疑經術之外如御倭馬政水利
三途竝用諸議鑿鑿可行天性孝友聞少失母
者感泣每悲岫雲公不見登第嫁弟妹子孤貧
者二人脩世譜合族內外親黨施從其厚古稱
經明行脩之士與所著六經莊子史記標註先
秦文錄兩漢詔令諸書藏于家生卒世系詳志
中子祐子寧博雅善讀父書先生與余莫逾江
閣山房諸篇及邢州詩覽之泫然陳子曰余讀
歸太僕草張公易諡制詞謂其文而毅乃太僕
處不干時仕不徇俗毅然哉文章與張公如大

河同出崑崙播九河而入海衣鉢傳焉先君子
 謂張公雖在相位未究其用况太僕乎論士不
 以成敗論其大耳過太僕墓者式焉子曰余嘗
 甲子年十軍對郵善齋父書夫主與余莫能
 柔文綏兩戴臨今齋書齋于寒主卒對齋精志
 孫問於前文士與河善六孫孫子史信齋語
 昔年入前世譜合楚內校縣黨庶其與古無
 昔恩必母悲由雲公不長登第後年秋守海
 三錢並用齋齋齋齋下百天出表文問少夫我

二酉園續集卷二十

沔陽陳文燭玉叔著

祭文

祭海神廟文

於廓滄海洩澗委輸頃者河阻借為運途天子
 有命重臣是圖淮陰立廟神與之俱卜吉始事
 興作無虞蜃樓鮫室若有若無神其妥此順流
 東趨漕航默祐達于帝都

祭土神文

凡厥土物惟神是司淮泗大溢黔黎阻饑高家
比堰舊有封隄多年壞潰責將誰歸燭守茲土
軫念瘡痍轉徙溝壑由已溺之命官筮吉修築
維時神其默相奠厥攸居

告城隍祈雨文

去歲之旱仰賴神休蒙被時雨遍于楚州今夏
又旱竭誠而求甘霖一降頃刻卽收田苗將槁
萎此麥秋雲霓在望衆心悠悠淮泗頻溢工役
頻修醫瘡在眼剜肉心頭燭或罔職神與之謀
灾害是降黜職于幽此邦黔黎更復何尤十日
之內嘉澤是周萬一不應浮圖與籌壇場祝禱
他道可由兩場時若永祀其酬仰求造福無作
神羞

謝雨文

比苦驕陽敢求時雨望日告虔達此衆籲幸有
浮雲海天遐布十八之朝沛然豐注詢之四野
幾于一犁兩珠可愛饑不可炊雨玉可寶寒不
可衣神應如響報謝胡遲前者禱祠十日爲約

尚謂薄施更新祈大作柰何彼蒼旱魃爲虐雲亦
時興雨不多落豈謂天澤難于再于古易社稷
亦在旱乾神罔幽相民胡得安且謝且禱誕降
于壇

祭蒲州張相公文

先生之才高而峻若太行王屋而人莫踰也先
生之學博而潔若龍門首陽而人莫窺也先生
之量大而理若黃河若東西海而人莫測也故
論先生者先生終其身而不與校疑先生者終
先生之身而不敢彰其故難言矣憶 肅皇帝

初天下染于權佞楊文忠公廓清之 莊皇帝
初天下染于功利徐文貞公廓清之 先生精自
若新都鎮靜若華亭運量底定雄偉不常一時
人心尤爲大快雖謂貞而忠焉可矣乙丑之春
先生舉燭于禮闈往往以修古文樹弘勳爲望
恐無以報先生也晉閩萬里絮酒陳詞豈敢哭
吾私耶將以爲天下後世定先生者告也 同寅

祭南克陳相公文

論古刻唱不嘉陳楷華

嗚乎相天下之難也無論江陵卽永嘉新都華亭新鄭各成其功業而古所稱都兪昌言同寅協恭之誼幾乎絕矣先生受知穆廟窺見其微奉身而退雖愛天下之心甚于一身而自愛其身始可及于天下易退者節難完者各有出于葵常鐘鼎之外百世之後聞者莫不興起而况通家後進如文燭兩渡青居夙承至教而與學士公爲文章道義之交乎訃音遠聞械詞千里惟先生其聽之如渙其如噴言矣

祭林金坡先生文

嗚乎先生之守沔也所遇國士如王給事觀生陳祠部子壽丘戶部子雲及燭四人耳乃三子化爲異物而不肖官于閩也何意先生之墓木拱耶先生仕稱清白鄉誦善良令子承其家學死不朽矣昔庾袞叔之碑蕭穎士之諡皆門人爲之不肖當勉圖焉庶幾報之以國士而巳職守攸羈漬酒而奠惟先生其聽之

祭祠部陳子壽文

萬曆甲申秋月禮部祠祭司員外郎陳子壽卒
于家訃聞于閩友人陳某哭于寢門之外是年
冬日子壽葬也如范張之誼何明年乙酉夏日
遣一力漬酒奠焉哭也墓草未宿耳憶與子壽
少年起江漢先按察公愛子壽如不佞戊午子
壽魁全楚不佞偕舉甲戌登進士子壽過目成
誦倚馬可千萬言兩人不相下而海內才士謂
馮有雙壁實相成也前年子壽會京師嘆曰富
貴應須致身早夫大丈夫竊榮名免耻有道何
計早暮子壽竟棄人間事矣莊子周嘆子桑扈
友真而我猶人乎韓子愈嘆青春交薛子而白
首相失乎杜子剛甫再過王子綸而銷魂去住乎
子壽生平雅慕王子晉以王子晉之哭其友者哭
吾子壽而已味文

祭蕭凌雲文

嗚乎丈夫之生形如朝露而神存行如石火而
名立吾兄瞿然易簣其形全也翼乎卻金其行
修也間巷素風徽州遺教安知兄之神不主為

星辰兩光之名木下同江漢也哉徃光事先公
則籍湜也友先兄則管鮑也不佞因緣始得締
交抱稽生河山之逸痛任助指南之託惟光其
聽之

祭劉子和文

憶昔常州卓然循吏割瓜却金昆陵是誌更得
尊公司訓之嗣生君湖州歿祥令粹母氏更賢
欣言有自我祖孝廉兄惟國器摘藻綴文重干
有司丙午鹿鳴奮飛秋試世業益光竟成有志
屢赴南宮數竒不值更集同人不惟恣寐子政
經學禹錫交誼我輩幸登黃也捐棄縱古于今
談何足異謁選天曹出宰蜀地公以蠶叢歛歔
冉四戴星而行朞月而治爾祖清操誰云弗類
寇起三巴帑藏失利適遭其窮因而驚悸病不
崇朝訃音遠至嗟嗟子和浮生若寄素旌東歸
江平流易近詢雙闌情悰頗遂哭未喪明達人
高致翩翩鳳毛樹立無累吾黨守官不克襄事
酒盃佐哀魂兮來莅

祭周憲副文

嗚乎公嘗欲武侯其勲而今已矣功果就乎公嘗欲清獻其廉而今已矣操果若乎子囊死而遺言城郢公來而雪山重矣有遺策乎史魚死而願以尸諫公在而豪華斂矣有餘慨乎簡甲練兵狄鞮遠徙墨吏聞風願解印綬人以為公嚴亦知公無他腸乎易箒而談語多姁姁招呼群吏自悔執法人以為公達亦知公非得已乎其等冠蓋一方死生異路望青城而墮淚酌錦

來以陳詞矣金石之文故其蘭之英詞寓書報之
對其祭朱宮保文士無至軒文夫子志平而大
嗚乎古之論大臣者禹以功而先生偉烈九河
矣臯陶以謨而先生弼亮三朝矣周召以量而
先生引拔遍寰區矣卽委瑣如燭先生以通家
子畜之始舉進士薦為館職而未遇後為學使
矣恨不在大江之西徃聞先生之訃不能束芻
而吊于遠及官先生之邦不獲過墓而哭吾私
獨憶先生之神不盡于功業文章者翱翔于匡

山彘湖之間所謂日月爭光天壤俱敝者乎而
賤子一念含恩未酬慷慨悲咽而不盡牙言者
又山高水長而先生能鑒于萬一也敬告先生
惟先生其俯聽之庶無翰鄉而未遇斯為學於
去主祭曹自由先生文交難吹散矣主以與家
先生為父郎忠謇似汲汲長孺議論似陸敬輿朝
稱直臣焉及參知里居也經術似劉子政仁孝
似延叔堅鄉稱端士焉至神交先子忘年而友
不佞也庶幾金石之好芝蘭之契焉寓書財二

三年而先生大還全而生之全而歸之足稱千
古人矣爰束生菑敬告先生安知岷峨晴雪巫
峽寒濤髣髴天壤而有鑒余之衷者非先生之
神也耶

刺請祭劉心川先生文

鄒文莊公于陽明太宗之子也先生于文莊小
宗之賢者也識不佞于垂髫而不佞哭先生于
墓有宿草之日潛見生死心一道同先生尚誘
余之衷而俾永前修乎

祭謝清河伯仲文

先兄光祿公家壻也公兄弟竒余且曰異日輜
軒過洪都乎今過而詢公兄弟藏玉同處其傍
可置萬家後日昌而富行其德者日廣也載酒
陳詞公兄弟其與享之

祭歐陽處士文

寓居潛陽而隱德弗耀公之令子也馳聲諫垣
而與陳結好公之慈孫也源厚者流長溯流者
窮源敬束生芻奠公于高原之丘也

祭方汝和文

玉給事英憲使蕭威遠新津兄弟與先光祿兄
前以文會兄者而不享上壽彼沾王命矣張趙
州先生蕭饒州泗水兄弟後以文會兄者而不
獲大用彼享修齡矣乃兄窮也不如前數子逝
也不如後數子不佞聞笛而傷惜逝而嘆深于
前數子矣束芻而奠脫驂而賻安敢後于後之
數子哉千里寄哀惟兄其聽之

祭費封君文

兄在戚黨為表兄同舉而不獲彙征于朝也與
兄結兒女驩同心而不獲偕老于鄉也兄安貧
類幼安達生類啓期玩世類叔夜經明行脩類
康成博學善屬文類仲舒糠粃世故蠓蟻禮法
在柱下漆園之間平生所得未易窺測世有續
玄晏傳乎列兄高士也獨兩人名山之約兄既
大化而弟為時羈縻安知他生可卜哉感今懷
昔不知其涕之無從也千里寄奠聊慰九涼

三酉園續集卷二十一

沔陽陳文燭玉叔著

祭文

祭蕭孺人文

嗚呼孺人已矣始孺人家無儋石今累數千金
處士比于素封此計然猗頓之富必有內助者
惜史逸其名耳可俾孺人名沒沒耶斷機而遷
熊丸而誦古今人高之今嘉郎五列學宮者四
各思以文章自顯即在夜讀禮有比跡二連者

是內訓使然矣往諸子問竒字于家大人又與
家大兄厚余小子得親就諸子出孺人曰汝從
陳氏兒來耶固大喜此慕齊名于李杜者也不
穀豈其人乎曹大家曰脩身莫如敬避強莫如
順乃永畢于一人成名于令子卽古婦人無特
諡若孺人者我私以敬順諡矣且孺人之喪也
里門之婦爲之輟舂况山婦與少媳爲同室女
乃余從弟得聘女孫往先安人沒諸子治其喪
今某也羈于官徒抆淚談也奚啻哭孺人以友
朋之母哉嗚呼板輿仙逝靈輜暫留感今懷昔
我心悠悠衡蘭湘滌迢遙故鄉薦諸尊俎有淚
盈眶

祭何母戴安人文

古贊賢婦同味玄昭高潔邁俗志遠神遙載稽
母儀三徙成教鄰正于庠廣以墳奧淳風旣降
此義久堙兩全其美嗟惟夫人秉德含貞奉嬪
高族內則闡懿未易更僕早佐君子爲時循良
上書請告世澤愈光况育啓圖玉堂台輔德器

文章匹休乃祖方奉板輿稱觴就養未幾東歸
慈顏且爽奉檄有懷將受帝祉胡弗少延倏焉
蒿里其等情聯世講政試同曹素軒縹緲憂思
欲切載酒陳詞集于燕市神其格思瞻依汝水

祭陳母林宜人文

惟靈毓德素里誕儀高門明姿天授女誠夙敦
貞純恭婉練要修姱誦習書史追美大家相夫
矯矯冠于詞場譽同威鳳德續羔羊名邦惠愛
留曹平反惟內之助實積小之媛篤生公望希世

璠璣繼魁海甸視苜石渠偶聞母恙中心惻如
正依講席誰慰倚廬投疏明主烏烏情私帝用
俞允訃音遠貽几几翟茀皤皤朱軒母也純嘏
胡不百年寵恩將覃慈訓愈彰凡我同榜亦孔
之傷閔天在望素旗且遐椒漿桂酒隰此哀斐

祭孫宜人文

嗟惟宜人夙稱賢婦內則篤生燁燁太守長歸
職方名匹良偶舉案齊眉如賓如友刀斗戒嚴
達于邊鄙草檄明廷夫君持起石畫帷中決勝

千里伊誰助之有此內美瞻彼雙闈驅車于郢
就封京師僊郎畫省其旨晨昏愉茲暮景孝哉
淑媛聞于鄉井天子眷臨龍章鳳誥未幾戒朝
主恩誓報命服孔彰運籌相勞蘭薰而摧胡不
期耄芳託江臯佩遺湘渚招魂故鄉逍遙容與
凡我同人歛歔迺旅祖祭道周觴有清醕

祭王母郁夫人文

維靈植性柔嘉秉心貞質夙閑閩儀丕承華系
克相中丞大將赤幟建立邊陲驅彼胡騎大勲
未終權攸攸忌才子弟兄詞林瞻跂闕下陳情
恩及于地母曰念哉父死王事尚其忠君勿忝
爾位慈訓死然丈夫之智雙壁登朝可謂養志
鼎食方隆奄然徂棄海內同人生芻遙寄伊誰
致之感恩慕義李杜齊名機雲不啻百歲幾何
五福咸備燭忝通家交驩令嗣南望素車道遠
莫至敢告我誠尊酒盃二神其聽之幽明無異
祭張母雷恭人文
惟靈蘭芳異質玉粟坤儀克相良匹懷瑜握竒

赫赫光祿勳在鼎彝父書誰讀夫子承之未究
厥學乃生佳兒蜚聲藝苑死奮翼異明時拜官青瑣
古人是師鱗嬰圖畫權貴莫移躬逢主聖其言
也危大江督撫壯猷永垂不有慈訓胡至于斯
方期祿養訃音忽貽孝思罔極恨不期頤某等
部吏之末國士之知籲大悲悼望遠陳詞嵩丘
汴水神其格思

祭朱夫人文

維天純佑篤生司空夫人作配柔嘉攸同况育

令子策名漢宮往年洛水荒度土功壺範是助
夙夜在公河渠刊旅龍章是崇頃承新命舊績
惟終夫人捐舍公心軫恫不遑內恤芻靈自東
燭叨世好悲來橫裏艤舟祖奠神其潜通夫人

祭潘夫人文

憲對哉哭之辭豈其平日始

尚書矯矯策名清時在帝左右爰有令妻雞鳴
夙戒龍章早垂三朝勲樹北斗與齊韋家世業
河東稱竒紹聞嚴訓祗適母儀黃髮綠野優游
棲遲方迎福祉同享期頤婺星中夜忽墜江湄

大老心悴令子孝思通家後進何以慰之誼當
匍匐職守攸羈松區東望長江一支東芻絮酒
而哭吾私

尚書祭歐孺人文

嗚乎孺人已矣而憲使君哭之痛豈其平日敬
也如古南面北面之遺乎孺人已矣而如夫人
哭之痛豈其平日和也如古鵲巢樛木之風乎
孺人已矣而長公少子哭之痛豈其平日慈也
如古掌珠芣苢之愛乎在邦之媛旣以被對在

家之肥可以垂範燭以弱子結好高門遺行納
于壤下閭德被于人間徒懷薤露之歌未覩佳
城之樹悲回風之搖蕙心冤結而內傷奠桂酒
與椒漿聊逍遙兮容與

祭李母匡孺人文

江漢炳靈隴西代興爰有母儀內則夙振率禮
蹈和稱詩百順克相太公篤生三俊况也諸昆
清時五雋匪爵而尊章彼慈訓婺星夜沉天胡
不憇燭忝世交忽承凶問在疚斃斃鄉園差近

何以爲哀通家情分職守羈留寸心踰境漬酒
東芻神其享應而尊章對慈階楚星文或天階

節味祭女龍孺人文

太公誦土三刻哭也前星

萬曆乙酉七月二十八日勅封孺人慧淑龍七
娘子卒于徽州八月十九日訃聞福建其父右
布政使陳文燭有事塲屋二十八日讀龍子膺
書哭幾隕九月三日遣家人奠焉哭曰天乎天
乎汝何自而生而逝乎往爲大理評事汝二兄
從宦人言平獄者昌後而所生獨汝也汝同童
恭人往淮人言有陰德者天報汝弟妹俱夭而
生存者汝也年十六而得壻如君善足稱玉閨
汝舅司理公同舉于鄉驩若同生見汝治中饋
善事姑氏或病嘗湯藥嘆曰此賢婦也在徽嚴
扃鑰家人宜焉與君善相敬如賓吾視君善猶
子也天有意乎乃年十九棄遺孤逝矣君善歸
白下撫棺而哭忍痛而文言汝美而才也勤于
公儉于用學書而書學棋而棋形管可編焉余
今年五十君善請注司馬文繪五嶽真形圖自

榆社中俱有作吾讀之喜汝具雙螭玉卮爲壽
吾酌之喜去冬汝母壽汝具玉冠爲壽余聞之
喜慶者在閭吊者在戶天何意乎吾不堪此痛
汝母何堪焉昔韓昌黎銘女孥壙彼年十二耳
汝被封而有子君善可銘也吾何忍焉汝子彌
月矣日者談命長倘紹龍氏世美乎汝不死矣
君善乎恕有陰德天或報之我不可必者君善
可必乎猶在我也君善哭曰無念二人吾代而
子無念舅姑吾代而媳在人者或可自盡乎乳
母盧氏哭曰朝哥逝妾老無望矣彼不堪此痛
汝母何堪焉昨汝壁紹興書云荔枝寄朝哥矣
汝主武昌書云朝哥想得子矣生汝在朝蓋小
名云余不忍讀尚忍言耶汝家武陵佳城土厚
君善掃除墓地矣徽州太守高公淮浦故人也
慰勿過苦卽苦何爲余高其情而不能忘也天
涯海角故鄉千里形影相離寃夢相隔天實爲
之吾又何尤恐汝有遺憾也

祭楊夫人文

外臺秉憲蘭省鳴珂夫君之美海內瞻焉
繫誰之助綰綬廉明抗疏忠直令子之美海內瞻焉
繫誰之訓燭交驩夫君特識令子遡汗血于渥
洼憶竒毛于丹穴聖善之頌捧檄之喜方爲通
家快而板輿仙逝矣旣痛夫君又傷令子惟郢
路之遼遠悵巴蜀之各方思蹇產之不釋奠桂
酒與椒漿

二酉園續集卷之二十二

馮陽陳文燭玉叔著

去雜著

陳子曰昔孔子作春秋是非二百四十二年之
中明王道而辨人事子長自敘及之有意于孔
氏哉三代之道若循環周秦之間文敝矣漢興
承敝變易乃高祖一贊不言其撥亂反正之功
而謂其得天統又仲尼尊周之意若其文萃乎

如恆華浩乎如江河曲盡周密如家人父子語
不向藻飾比擬而終不可學蓋其才豪邁不羈
寬大易直類乎其人耳孰謂文章之道止與政
事通哉
又曰楚石奢自刎而死晉李離伏劍而死子長
附諸循吏之後彼以爲立楚昭以名正晉國之
法豈其身經蠶室苦深文巧詆之吏以循與之
耶孟子曰殺一不辜而得天下有所不爲縱父
過聽兩入之心必一死而後白千載揆之有足
憐者故重民命者有司之先務也柰何視如草
菅也此邳都寧成諸酷吏傳明著刑族以示戒
而子長之意深遠矣

漢書評

陳子曰班史究西都之首末窮劉氏之廢興包
舉一代撰成一家言皆精練事甚該密昔虞夏
之典商周之誥孔子所撰皆謂之書孟堅以書
爲名斯劉子玄所云稽古之偉制乎尋其創造
皆准子長自太初以後其所引用又劉氏新序

說苑七略之辭猶遷之世本國策諸書也豈惟
范曄卽荀仲豫袁彥伯之二記皆難匹者也哉
又曰余讀李陵傳其文骯骯皆得其意至與衛
律等語如在當時所云丈夫不能再辱李陵蒼
蘇武太史公報任少卿之旨盡矣太史附陵事
于李廣之後而恨隴西之名敗至孟堅悉發之
如楊子雲東方曼倩諸傳使子長爲之又何加
焉

鋤雲釣月卷引

余每讀天台賦思解纓絡讀桃花源記恨不問
津興公淵明筆奮藻散懷矣顧道行學使稱天
台樵客武陵漁郎繪鋤雲釣月圖諸公題詠余
覽焉真如逢桃花林夾岸落英繽紛行數百步
又如登四萬八千丈孤峰石梁瀑布雪飛風起
足消炎暑哉或言雲觸石而雨四海月舒波而
淨九霄其用世之志乎余觀道行懷文抱質恬
淡寡欲山水之癖蓋天性云不然高察隱天台
而讀書劉子驥走武陵而竟逝皆漢晉奇士也

彼寧有所託耶遠想高步道行有馬旣賦三詩
因書以質之

雨異解

萬曆戊子二月南昌郡雨穀外包纖雲中有粒
米雨豆色黑食之飽終日客以問余余曰穀豆
以養而雨者輔也謂輔時而生養也太平之時
十日一雨歲三十六雨耳言休徵者肅時雨若
言咎徵者恒雨若至雨穀豆將何徵焉昔神
禹時雨稻故詩有云安得天雨稻飼我天下民
漢呂后時秦中雨粟武帝時廣陽縣雨麥宣帝
時江淮雨穀吳桓王時金陵雨五穀貧家則雨
富家則不雨由漢而論不可言休由夏而論不
可言咎若雨螽雨草雨金雨珠雨物如魚如猪
如羝羊雨線雨白毛徃牒所載不如雨穀豆之
兆豐稔也今中原荐饑廣積貯禁遏糴者半天
下無主上蠲賑江右如兩臺奏乃天心又若是
乎仁愛也余願天之雨爲霖而不爲穀爲澍而
不爲豆管子所稱五政得時春雨乃來董子所

稱兩不被塊潤萊津莖而已念用庶徵言之廩
廩客曰有是哉天難謀退而書之俟志災祥者
考焉

左傳評

陳子曰晉劉兆作春秋調人取周禮調人之義
俾大義無所乖時有不合者取長短以通之又
作左氏全綜今其書不傳于世必和通于春秋
而後可以論左氏也

又曰呂大圭謂左氏熟于事而公穀深于理左
氏見國史故事熟而理不明公穀出于經生所
傳故理深而事多繆余謂事體一原者也左氏
所載賦詩者三十一其授虞書者一夏書者十
三商書者十周書十五言易者二十其深契六
藝二氏何敢望焉桓譚言左傳于經猶衣之表
裏而東觀漢記又記光武興立左氏而譚與衛
宏竝共毀訾殊為可恨耳

西園續集卷二十三

汜陽陳文燭玉叔著

此董懷素自敘帖跋

怪哉狂僧即當時自敘前無古人矣唐僧多能
書如亞棲誓光曇休齊已湛然辨才之流咸有
聲藝林獨素師與高閑尤著耳嘗聞素師同顏
尚書學書于郭兵曹又從鄔彤求張長史筆法
種蕉以供揮灑其筆埋山下號筆塚斯亦勤矣

宣米家書史亟稱之與首韓退之謂張旭善草
書不治他伎危天地事物之變匪喜可愕筆寓
乎書不得其心而逐其跡亦見其能旭也若閑
與素師真有旭之心哉已其然辨下之流歟
劉若地苑遺墨卷跋徐前無古人矣曾文公
此董源真筆也源在畫家多寫江南真山而此
圖深岩長林覽之如杖履其中蒼翠落衣帶翩
翩欲僊可謂神品

蘭亭卷跋二十三

此龍眠居士李公麟所繪蘭亭圖也按王羲之
嘗晉永和春時修禊事而作世傳武定肥本勿
柳公權所臨米芾所題宋高宗所寶皆以圖與
逸少竝重豈墨本而後人摹之耶今觀所繪持
觴者三十六人騶從十六人各有意態中間崇
山峻嶺茂林修竹徃徃在眉宇間藉芳草而鑑
清流覽卉物而觀魚鳥咸有生氣古人之高如
此福州叅知王君懋復投贈不佞太倉學使王
君敬美見而愛之謂余能詩足掩逸少若遇蘭

亭之上當把臂入林昔人言不恨我不見古人
尚恨古人不見我耳兩君俱有跋詞翰翩翩興
公之匹也逸少見之當欣然遇于千載孰謂俛
仰爲成迹耶流傳後來俱是王家風流故事

此君軒詩跋

山谷老人在宋元佑元年爲元上人作也其字
畫遒勁後有真公德秀與元人及我明姚公廣
孝題當爲真蹟無疑山谷每言顛長史狂素師
尚酒而書自不能飲而徃徃得江山之助余詩
中所謂欲截老龍吟夜月無人處共江山說通
神入妙豈亦其驗與

蔡琰歸漢圖跋

君臣朋友以義合者曹孟德不知有漢乃能與
金贖文姬耶可謂篤友誼于中郎矣余得趙子
昂歸漢圖愛其情景宛然因請王敬美書胡笳
十八拍每一讀之令人擊節惟卓文君白頭吟
可以方之要之曹大家與蔡琰皆得父膏腴者
也

倦繡圖卷跋

春宮倦繡圖一卷唐伯虎臨趙文敏公作也彈琵琶者一人吹簫者一人拍手而歌者一人閑行者一人携琴而隨者一人欠伸而顧者二人對鏡者一人簪花者一人斟茶者二人扇鑪者一人羅綺幔帷參差宮闕不可名狀美而艷布置而工真昭代通神手也乃若心憑噫而不舒邪氣壯而攻中下蘭臺而周覽步從容於深宮如司馬相如所賦長門之怨諸姬有馬雖善畫者莫能圖也

趙文敏真蹟跋

黃魚直評書謂字中有筆如禪家句中有眼至此右軍于涅槃經說具三眼也趙文敏七十二偈精于禪理矣而字畫以風骨勝又書家三昧假令山谷見之將不謂其兩得耶此冊乃豐考巧南禺家藏周司動國雍得之而陳學士元忠俱有題品余見而愛之司動寄我漢陰真壽硯亭中甲品也

桃花源卷跋

文章家以陶靖節桃花源記鋪張如畫而唐伯虎此圖儼然良田美池阡陌交通雞犬相聞所謂孺童縱行歌班白歡遊詣咸有生氣每一覽之翩翩躡輕風尋高舉如問津桃花洞口矣

牧牛圖跋

此圖乃宋元人作品者多名筆云其一人耕十有二牧牛二十三前者後者奔者馴者渡者卧者行者息者各適其適靜而不擾其三代有道之象乎然巢父飲于深谷武王放于桃林光景已異至水旱征役斯民爲釁爲犧欲如圖中牧難矣書以志感

吳小僊畫冊跋

江夏狂吳千金一圖此冊神品無論矣而李公漁一傳尤奇傳稱偉字次翁號小僊其遇日憲宗皇帝奴視權貴好妓飲歸塋金陵詳在傳中豈李獻吉所稱短褐垢臉見天子禮貌雖村骨格奇帝令待召仁智殿有時半酣被召見跪翻

墨汁信手塗白日慘澹風雲變吳生吳生太氣
岸一言不合輒投硯者耶余聞閩帥以百絹請
畫數月不理偶灑墨于上閩帥怒從容點綴如
神又以平生得意筆贈所善王孫藏樓中且曰
公當不貧一夕雷雨火之偉曰豈天上有好我
者乎呼酒吊之惜傳中不載此耳評者方諸戴
文進沈啓南余謂小僊如司馬遷二子則班固
范偉矣故江夏爲明畫第一

名賢真跡卷跋

余訪方君敬先生于壺公山下持贈一卷乃長
公督學子及所藏中有陸公深楊公一清張公
璧王公守仁顧公明董公承敘唐公符唐公順
之李公默梁公天錫徐公階華公察施公峻廖
公道南皇甫公沆皆昭代名筆昔人見林和靖
書清氣照人其端勁有骨似斯人之涉世也余
于十五公亦云

劉清惠公帖跋

瓜洲有趙叔鳴蓋弘正間才子云余旣序叔鳴

具區詩其子瞻奎出尚書劉元瑞一札語竒而
筆勁飄飄有仙氣所望于叔鳴者厚余甚愛之
奎刻前書請題數語以表先哲往余聞元瑞寓
居長興致大司空政欲造樓無力文太史繪神
樓圖揚用修爲神樓曲高之謚曰清惠允當矣
趙學憲品流比于元瑞書藏江樓亦茲方珍翰
也

西河詩卷跋

此余丈人訪其弟內方太史而同館名流呂公
柎王公用賓張公袞江公汝璧張公治作也五
十年來翰墨如新惟孝友于兄弟又童氏之天
球河圖也暇日偶覽愴然書此

盤磚齋畫跋

余猶與陸子治尤子求錢子穀友也雖未通神
幾于意匠三子逝而吳無畫家乃質甫還舊觀
哉至如啓南伯虎徵仲三先生尤高不及友矣
今友顧道行父子從游其畫竝絕將有變化而
去者虎頭非癡也

左舜齊卷跋

余平生最愛太史公伯夷傳而又得舜齊書日
展數過欲罷不能李川甫先生曾作舜齊傳悲
其高才不第死然平生故人完好者惟左生耳
令人益重其翰墨云若此卷書法蓋師顏清臣
而有得者李公名濂左公名國璣俱大梁人

莊吏部詩卷跋

晉江莊先生在 肅皇帝朝為吏部郎出叅浙
江有文章氣節仲子長史公與余善入閩會伯
子封君公孫太史兄弟後季子秀才彥升以先
生詩卷謁余讀之一快彥升言少孤不多見先
生書余仍歸彥升俾永寶之手澤存焉耳

慧鏡上人寫華嚴經跋

慧鏡上人以詩謁余瓜洲余游峨山上人業出
游矣遂結夏于北固山中寫華嚴經八十一卷
歸藏大峨上書于余曰山僧和南竊見茲寺有
古經似趙子昂書乃効筆札願借名言昔楞嚴
遺房相之詞圓覺冠裴公之藻古今寧有兩耶

余謂華嚴之文一心廣大止耳不離筌蹄而求
解脫不執文字而迷本空經何可少也土人曉
內典工詩翰爲余書心經又許他日再書華嚴
要我作衡山懶瓚耳遂書于焦山郭次甫之集
鳳亭

秋述卷跋

郡中杜生民獻工晉人書從父宦雲南謁楊用
修殿撰楊書杜子美秋述貽之里中童士疇宮
庶題其後謂新都依黔國亦如襄陽之于嚴武
也楊先生卒老于戍而杜生終學究文士之能
如此家兄和叔購得此卷愛其字與杜文並重
豈子美所稱千秋萬歲名寂寞身後事者耶

八寶雙珠卷跋

余泛寶應湖得淩溪學憲射陂太守書于吳子
敏道處共爲一卷淮陰吳子從道題曰八寶雙
珠真名父子云朱氏以文學世其家其子价字
盛行而升之不多見細玩良久斯亦山陰流派
也夫

戴錦衣卷跋

陳公曰余觀戴伯常豈非躬行仁義長者哉國
家衿衣至貴佑也深文舞智奉駕帖羅士大夫
為言輒牢剝殊死令人不寒而慄語曰寧見乳
虎無值甯成今滋甚矣伯常從今 皇帝起郢
鄧侍衛領詔獄時學士夏公言尚書聶公豹在
獄中伯常從其講學論詩茲卷皆二公筆札誦
之忠貞凜然後聶公釋出夏公事慘不忍道余
獨多伯常知嚮往云又都御使謝公存儒給事
中尹公相周公怡御史楊公爵員外郎劉公魁
後先禁繫咸保護之伯常與余言頗詳夫人孰
不仁義語乎其行詩謬如諸公之履貞難矣伯
常恂恂儒生全值善類尤難哉偶伯常出卷索
余言因書以歸之伯常名經號得齋居士

游峨山詩跋

往登峨山先公有大峨篇藏焉今子裁詩絕頂
雪月哉吾友康裕卿童子鳴共約茲游竟下世
不果恨不見子裁詩也周太守國雍雅善子裁

刻于郡齋因志余感云

俞山人手柬跋

往俞仲蔚書五言古詩一律詩一詩四幅一冊
余愛其字類米狂仲蔚卒王尚寶子敬出手柬
讀之沾衣馬尚寶遂以贈我斯亦山陽隣笛也
夫

殷鄭贈言跋

往于皇明文範中見近夫給事明教篇又于繼
之吏部詩中見今辰行管送敬中先生者合
殷鄭贈言足為先生重其孫德南比部請林宗
伯與吉題其後足為比部重二張師友淵源三
公品流高俊詞翰家之佳話柄也張氏其世寶
之

雲山種藥卷跋

余友呂聲甫有雲山種藥卷蓋其祖居簡先生
家會稽時事多國初各公題詠志稱卽漢薊子
訓賣藥故處比于韓伯康宋清諸人又言為回
儒人之後噫奇矣其子樂善繼之傳至孫廷王

寶馬二百年餘而聲南津津茲卷語曰活千人者後必昌居簡所種遠矣聲南勳樹為萬物吐氣呂氏其昌乎卷首雲山圖為元暉戲筆則小米者又畫家之通神手也

高峽海庄壁帖跋

楊用修蓋嘗客滇海高峽云每手書友人贈詩于壁自分宜故相而下若干人題曰高峽海庄壁帖自附以一文一詩才情書法上捋古人而好學取善可知其槩戶部劉君克甫見而愛之刻廣其傳厚于鄉之先達者何俟後世始有子雲也

王家三吳墨妙卷跋

此卷乃王太常敬美寄自金陵者也吳文定公原博沈徵君啓南唐解元伯虎陳太學道復各一幅而文待詔徵仲則六幅三吳書法幾半深為臨池之助昔黃魯直謂歐陽永叔書不極工然喜論古今書故晚年亦少進敬美其進余以戈法乎

又去王叅政父子卻金傳跋

世之位高金多者往往簠簋不飾叅政不以身
之死而易介其父不以子之死而徇財夫清畏
人知清畏人不知胡氏有世德哉乃公父子何
計知與不知賢胡氏遠矣其友信之又爲之傳
如敬美奉常誼至高不佞爾有愧焉當竝永爲
王家故事

王敬美手帖跋

王敬美同余官閩省往來小柬無虛日或髮未
握或枕已就敬美善晉書余不能也合百帖爲
冊子孫永寶之敬美每言余如南威西施所少
金蓮玉弓耳夫越女濯素足行人解金裝何必
爾爾書此解朝

東歸宗良王孫卷跋

此先按察公七十時寄宗良書也明卿本寧禎
伯三君子諸劄付馬宗良命不佞題數語豈獨
不佞手澤之存之思卽宗良邈若河山之感于
先按察公者深于三君子也

宗良以二王手書見示乃得邸報長公起少司馬次公以太常予告允第遞相出處弇州山園當不作移文以二王書中多閉關靜坐託意墻東語也宗良以爲何如若詞翰之美人人寶之申參不佞尺書覺我形穢矣

金華秋雨吟卷跋

此按察公甫第與傅司徒公長安話別詩也中表兄弟驩比同生春池入夢風雨連床不啻過之今謝政里居爲園相鄰伯氏吹埴仲氏吹篪和歌無虛日兩公復書前篇合爲一卷詩中共愛嘉州豈亦似岑家兄弟耶

三世賡歌跋

此先大夫先兄諸子贈孟孺詩也題曰三世賡歌時余入蜀孟孺再過報書于閩曰酒壚河山德音拱木昔人痛之况哭公家三世墓耶余入江西孟孺携前冊手澤尚新覽之泫然情之所鍾正在我輩

御墨卷跋

月白風清四字

皇上御墨至詠秋月云天邊一輪月其形光皎潔可比聖人心乾坤都照徹大哉王言一哉王心其天地純一帝王精一與漢唐宋人主工論墨者異矣玉山國子生程應魁得于藩府敬呈江西行省臣燭莊誦焉應魁善書法思獻闕下必有遇合也自古人臣以筆爲諫請御書鎮家江海孤臣何敢望焉敬書以俟

跋

余小子鮑甥館悉裝二酉藏書得舅諸集徧讀之斥之乎若有概于中也
楚自倚相屈平而下其材足多即今二三大夫蔚然以楚產取重要以本實峻茂柯葉扶疏則二酉職之其斯

為萬乘器也載而入社先以質長公
長公先得余小子心言若右契獨以
遊各為帙體式異齊必統之同始出
一軌于是為之部署稍芟其繁屬潘
生黃生詮次入梓郡伯濟南高公疇
昔淮陽同事為之授糈居肆以焚其
成居無何集定矣舅方為閩方伯奏
之閩中竊惟三世通家則自王舅王
父始以論著既以昏姻無論舅甥
儼然父師具在以世講則猶之乎膺
也父以世業則猶之乎膺也師律以
象賢余小子無能速肖由是而步由

是而趨祚于斯庭于斯操几杖于斯
庶幾乎弟子職也非直子壻禮也工
既畢事繫斯語以為矢言
萬曆甲申嘉平吉月子壻龍膺書于
新都公署之斗舍



二酉園集跋

先王父廷尉有廷中淮上前後
諸集而茲其彙選也汪伯玉王
元美諸先生及名家皆為序業
已傳海內播執林矣然歲久散
逸蠹編斷簡敝篋欲盡而遺板

又渙不可問蘧生也晚會者索
者幾無以應忍令當吾世而湮
滅乎可為痛哭廼檢笥中原本
竭獨力以付之梓人得以還舊
觀而供採取為嗟乎在茲之文
未墜五世之澤猶存是刻也雖
以脩先業其亦有遐思也夫
天啟癸亥九月重陽日不肖孫
之蘧謹識



欽定四庫全書

欽定四庫全書

欽定四庫全書

欽定四庫全書

欽定四庫全書

欽定四庫全書

欽定四庫全書

欽定四庫全書

欽定四庫全書

欽定四庫全書

